

## I SASSI DE MATERA

*Ea vita ga dee beisime scoperte,  
come na vecia sità fata de sassi,  
ea so forma strana  
fa pensare a un antico presepio  
e te vurusi che Gesù Bambin  
fuse nato proprio lì.*

*Na roba magica,  
scaini e vicoeti a non finire,  
pavimenti par quei de sora  
e querti par quei de soto,  
na bea stradina lastricà  
ea porta so na cesa pitoresca,  
ea pare nea tera conficà  
o che, co tutte e so forse  
ea sia abrasà.*

*Girando i oci da ogni parte  
te resti impresionà  
de ste case-grotta che pare roversà  
e vardandoe pare imposibie,  
che par secoi dea brava zente  
e gapia abità.*

*Me domando che sogni che i gavesse  
o forse i jera indurii  
come i sassi dee so pareti.*

*Te resti in doveroso siensio  
te pare parfin de disturbare  
e no te meraveja se el gropo  
che in goa te senti  
el ze diventà on sasso da frantumare.*

*Maria Luisa Pasquali*